

برہنہ شہادۃ

(جنت کے پھول)

پروفیسر اکبر

علامہ نصیر الدین نصیر ہونی

ڈاکٹر آف لیٹرز (آزیری)، ڈسٹنگویشڈ سینئر پروفیسر

سینئر یونیورسٹی کنیڈا، یو۔ ایس۔ اے

پروفیسر

برہنہ سقم

پروفیسر الکر

غلام نصیر الدین بک نصیر ہونہو

لک القول حکیم الفلم

شائع کردہ

سازگار پبلشرز

۳-۱، نور ویلا، گارڈن ویسٹ، کراچی ۳- پاکستان

فہرستِ عنوانات

صفحہ نمبر	عنوان	نمبر شمار
۵	اُن زمانا مرتضابا	۱ ✓
۸	نعتِ رسولِ مقبولؐ	۲
۱۱	ژولے گوئے گلچنِ دُمر	۳
۱۳	تلمرؤ	۴
۱۷	سلکِ مروارید	۵
۱۹	ذکرِ خدا اسقرکٹ	۶
۲۲	شریاریئے نئے مست بان	۷
۲۶	تھتے یہ ژولے نورے سا!	۸
۳۰	اُنے مبارکے شل	۹
۳۳	عقلے گلچنِ فٹ نہ	۱۰
۳۸	جبلے ثواب	۱۱ ✓
۴۰	آبِ شفا	۱۲ ✓

نمبر شمار	عنوان	صفحہ نمبر
۱۳	نعتِ نبیؐ	۲۳
۱۴	آفتابِ نور کا طلوع	۲۷
۱۵	محمدؐ سے شل محمدؐ سے شل	۵۰
۱۶ ✓	ذکرِ حبیب	۵۳
۱۷	شلے حکمتِ گہوارن	۵۶
۱۸	بیسِ بخونِ اکوغن	۶۰
۱۹	دوستِ مصطفیٰؐ	۶۴
۲۰ س	علامہ علی	۶۶
۲۱	یاعلیٰ دہیدو	۶۸
۲۲ ✓	حق مولا مولا دایلی	۷۰
۲۳	اؤلجی سان میڈم	۷۲
۲۴	کتب میر بر کرگ اوسای	۷۵
۲۵ ✕	شکر و منس یا فدا	۷۸

اُن زانا مُرتضا با
(یعنی امام جی و حاضر)

اُن زانا مُرتضا با یا امیر المومنین

جانشین مصطفیٰ با یا امیر المومنین

امرے مالک دینے حاکم عقل تحیکشے پادشاہ

مظہر نور خدا با یا امیر المومنین

نور قرآن رازِ فرقان دینے جی ایمانے روح

اُن حقیقتے پیشوا با یا امیر المومنین

سریرزدان گنجِ مخفی راز دارِ انبیا

پادشاہ اولیا با یا امیر المومنین

علیٰ کنج اُنے ذوالفقار داعقلے ہول اُنے تابعدار

تاجدارِ لافتا با یا امیر المومنین

ہائے بِسْمِ اللہ انا ہم نقطہ یثدُم اُنے مثال

نقطہ نقطہ علیٰ مشا با یا امیر المومنین

اے انا ہم = انا ہی کم، بنیاد میں، بنیاد کے اندر کا۔

روح کے عطر ہر زمانا نورے شل بلیکس طیب
 اُن دوا با اُن شفا با یا امیر المومنین
 دُش اُیون لو وقت اُیون لو جان نمن جانان نمن
 عاشقانر اوئے مُدا با یا امیر المومنین
 جا خیال کے خواب اُیون لو اُنسے خیال بلا دِخچرم
 گئے حقیقتے اُن گوا با یا امیر المومنین
 ظاہریئے دُنیا لو جا ڈم بٹ متھن با کُلی بہ غم
 عالم شخصیو لو کا با یا امیر المومنین
 نورے شل ہن دولتن بلا معرفت ہن برکین
 گنج وحدتے مقتدا با یا امیر المومنین
 میس لو روئے دُنیاں سقم مے باطنیئے پلچن نیمون
 التو دُنیا تکسے استا با یا امیر المومنین
 مُشکلک دُشس دمن اُن بالئے مولائے زمان !
 اُن ہمیش مُشکل کُشا با یا امیر المومنین
 دِچنبا بٹ دِچنبا فریاد رس ! فریاد رس !
 ہر زمان حاجت روا با یا امیر المومنین

مصطفیٰ نور مرتضیٰ ربِّ اعلیٰ آئینہ
 چشمہٴ نورِ ہدا یا یا امیر المومنینؑ
 اُنِ خدائے نورے گشک با آسمانِ دُم میر سو کا
 علم و حکمتے پادشا یا یا امیر المومنینؑ
 جی کے اسے ارمانے کا دعا شقیے شریارے کا
 اُسے قدم گاہِ دُم فدا یا یا امیر المومنینؑ
 ہن غریبیں بائی نصیر اُسے پکشدے دین فریاد اپجای
 پادشاہ اسخیا یا یا امیر المومنینؑ
 ۲، جون ۱۹۸۵ء

۲۔ تھیکٹس = تھاکٹ، محل، بادشاہی۔

۵۔ کچ = کرج، غتیج، تلوار۔

۸۔ مُدا = مُدعا، مطلوب، ارمان۔

۱۰۔ عالمِ شخصی، عالمِ صغیر، انسانے ایسے دُنیا۔

۱۔ مُقتدا، پیشوا، رہنما۔ ۱۷۔ قدمگاہ، جائے قدم،

عُمُ دِش۔ ۱۸۔ اسخیا = سخی کی جمع، سسنا مُد۔

نعتِ رسولِ مقبولؐ

پیغمبرِ انت کے پیشوا یعنی محمد مصطفیٰ
اِنْ نُوْرے دو لے بُٹ سٹا اِنْ بائی رسولِ مُجتبا
اِنْ منظرِ نوہِ خدا
صلوٰ علیہ و آلہ

فخرِ عرب شاہِ عجم کون و مکانِ لو محترم
اِنے سٹل اِیون ڈم بُٹ اِیم دُنیا کے دین اِنْ ڈم سُقم
اِنے وِجئے گئے لوح و قلم
صلوٰ علیہ و آلہ

شاہِ شریعت مصطفیٰ نوہِ ہدایت مصطفیٰ
اسلامِ عزّتِ مصطفیٰ عالمکے رحمتِ مصطفیٰ
قرآنِ حکمتِ مصطفیٰ
صلوٰ علیہ و آلہ

جبریلے خدمتِ انئے گئے معراجے رفعتِ انئے گئے
اسرارے دولتِ انئے گئے لؤلآکے خلعتِ انئے گئے
عشق و محبتِ انئے گئے

صلوٰ علیہ و آلہ

شاہِ مدینہ بُت شکن توحیدے کِرخ ایکائمن
قرآن کے بُرمانگئے دمن انئے میلترائی اسلامے گن
انئے اسمٰ صلوات غن

صلوٰ علیہ و آلہ

ایمانے بس لشکرِ نمُن اِن دینے ہوئے افسرِ نمُن
کُفرِ یسْقَنس خنجرِ نمُن سُسْ اِیونے پیغمبرِ نمُن
چہن گئے اُیر رہبرِ نمُن

صلوٰ علیہ و آلہ

دُنیا کے دین لُو پارِ شاہ اسلامے سسے پشت و پناہ
معبودِ یکتا گئے گواہ محبوب و مقصودِ اِلہ

عالی صفتِ انئے بارگاہ

صلوٰ علیہ و آلہ

شکث نی لے نصیر بے نوا بیسے خواب غفلتے گور شبا
اُن یاد اے خاتم انبیا نعتن غتن اِن نورے سا
اِن بائی ایسل قرآنے ضا
صلو اعلیه و آله

B

R

A

BURUSHASKI RESEARCH ACADEMY
living ancient language

تُڙولے گوئے ڳلڃن دُمر

تُڙولے گوئے ڳلڃن دُمر صورتِ رحمان ايسل
 عالم بالا رُنگون نسخہٴ قرآن ايسل
 نورے شرا بنُمن گورشا تُڙو شُريارے کا
 شُليگو مرکار دُکون جلوہٴ جانان ايسل
 گوُس لو، لُلم کائنات يثما ڳلڃن فُط اے
 اُنے گئے اوسا ي خدا، بردی کے آسمان ايسل
 رُولو گھر يينا کے مُلکِ سُلیمانِ بلا
 باطنے دُنيار دُکون تختِ سُلیمان ايسل
 هير چُچے اے کے بندگی يثما شُلي زندگی
 نورے بهار ديهما کاروضهٴ رضوان ايسل
 عالمے سس دُوکش اوسل حکمتے چلے اُويان
 مملے خدا يکلمُ حکمتے دريان ايسل

بیتِ رسول نورے ہا، برہمی بمن اہل بیت
 ہوئے، نئی کنعان ایسل اُولو گئی سلمان ایسل
 جسمُ لو بردیٹے بائی عقلے بلند بیٹے بائی
 حکمتے لعلک شلاس لعلِ خدا کان ایسل
 نورِ ہدایت نمُن بشری کتُ لو سرکے بائی
 می رُوے آبِ حیات حضرتے فرمان ایسل
 جسمِ لطیف تِس ہفروقتے علی بائی سوار
 علمے غتینخ زوالفقار جاشہ مردان ایسل
 صورتِ ناسوتُ لو معنی ملکوت نمُن
 رُو مڈے سلطان ایسل جیتے بباشان ایسل
 علمے نئے قرآنے روح وحدتے رازکے کتاب
 منظرِ نورِ خدا جسے نئے انسان ایسل
 نورے ہلندن نمُن تختِ طے شاہِ زمن
 جتنے نس کا نمُن جاگلُ خندان ایسل
 رُو مڈے طوفانِ رُوخی موکے ہرلتن بلا
 کشتیِ نوح اہل بیت چارہ طوفان ایسل

مین لئے بنی قرآنے چھپی؟ ہادی دوران لئے
 راز کئے حکمت ہیتر سورہ رحمان ایسل
 رولو خدا چپ نمون راز کئے ہن پر کسٹن
 گنخ ازل حاصل اے مایہ عرفان ایسل
 شلے سس عجب اور شبان اوئلذہ شراب جک کے بے!
 خمرو صال او منای ساتی مستان ایسل
 نم دش ایون لو انے ہینشو بمن ہلذ او تائی
 عقلے کمال کئے حسین یوسف کنگان ایسل
 اغمالے جاجی فدا انے ہکا اڈم ژون مناس
 یہ گوئے بلم ہور مڈم جائے ارمان ایسل
 باطنے پلچن سکر کھولے گا نصیر حقیر!
 ظاہر قرآن غتن باطن قرآن ایسل

قلمر قو

انے جا قلمر قو آیتی کے ایس یٹسے گچرچی
 ایر بیشکی متھن گن بلا کلی ایس بیسے ورجی
 فردوسے گلابن دُسن انے اُس لو ایور کائی
 شلے اوے چل ایر گنڈ تھجا مو تو دُخرچی
 شل گوئیوے قیامتے گنے بٹ اُلچن ایچے بان
 جا عشقے فرشتار ژو ایوین برغو ایفرچی
 عقل ایغر مَریشل کے دلتن دُمائے کمی
 نفس ایغر مَریشل بلا مار، بٹن دُکھرچی
 اُن سرو روان بالے گری ایس لو گچر چا
 دُنیا تہ بسیو لم سرو ن اُم لو گچرچی
 اسقر کتے بسکٹ ہیر چڈا، بیس؛ مو سا متھن بی
 اسقر کٹ، سا میر دلنے آھس خا اتقرچی
 انے عشقے ڈوینی می روے گنے دائمی تھمکس

دُنیا کے قیامتُ لو میان اُنے شلے برچی
 ”کھوتِ ظلمے ڈٹک تھپ اے وارِس“ بیسے سیبا؛
 تھپ یرنے اپم خوشیے گوئن اُم لو دُورچی
 اُنے عشقہ غلیس باجہ ہمیش، رکھیلر اِتیسمی
 شُرُیشکے شازادہ جہ ناچارے بہ چھرچی
 اِن لورے سا بائی عاشقہ ایس لورے سا اسقر
 اُنے شل کو ہزار اُس دُخری کے نورے سا یرچی
 اے ائینہ اریٹ یو یا کے اُنے لپ نے اخرچی
 جی دیو بٹے اُنے بہ درزن چُپ نہ دُمرچی
 شل گو یو اکھیشن! جتنے گنے مل بسین بان
 می جیتے بُسائی عشقہ ہر لَت یارے دسرچی
 اُنے عشقہ شہید اَمَن گما یبا کے مبارک!
 عیے نمہ دین ”قم“ سینئر شہید دُورچی
 شلے تسک اَدیلجائی کلی جا بیسکے گلان بے

جوٹ برن غلط سینا کے یہ بس اریٹ لکڑچی
 انسانے اڈمے وٹ لو عجب عقلے بلن گا!
 رُوے تلی دِ غُنس وقت لو چھنچلک ختہرچی
 بیر عالمے پرداؤلو بلُم راز کتے پر کس
 سیرمٹ فلکثر می ربے آسمان افسرچی
 کھوت او بلی اکھیس! کافرے لشکر ہرٹ لو با
 جاحیدر کرار ای دین اُچھیرچی
 بیچارہ نصیر اُننے شلے ڈون اُن منکوسل بائی
 اُن ایس لو غراس ڈم غرچی بے کے اُقرچی

یکم ذیقعدہ ۱۴۰۵ھ ۲۰ جولائی ۱۹۸۵ء
 BURUSHASKI RESEARCH ACADEMY
 living ancient language

اے: تسک - خنجر، تسک دیس، خنجر سے مارنا،
 جیسے "تھر" سے تھرک دیس۔

سلک مروارید

(موتیوں کی لڑھی)

بموقع تشریف آوری مولانا حاضر امام شاہ کریم الحسینی

صلوات اللہ علیہ وسلم

وہ مقدس وہ مطہر وہ امام
دیکھ لو! اسکو خدا کے حکم سے
نوریز دان ہے وہ اولاد علی
شاہ دین جس کو کہا جاتا ہے وہ
خونگاہ عشق میں اک جلوہ ہے
جو مسیحاتے زمان ہے وہ طبیب
وہ خدا تے پاک ہے زندہ گھر
واریش علم نبی سلطان دین
یا تجمل یا کرامت بادشاہ
خونج شران کا جو ہے خازن وہی
جس کی مدحت ہے کلام پاک میں
بات اس کی حکمتوں سے ہے بھری

جانشین مصطفیٰ عالی مقام
عالم ملکوت کرتا ہے سلام
جس کا دنیا کو رہی ہے احترام
جو جہاں میں ہے نہایت نیک نام
آسمانِ حُسن کا ماہ تمام
جس کا درشن زخمِ دل کا التیام
عاجیانِ عشق کا بیت السلام
بعد احمد ہے وہی خیر الانام
وہ خدا کا چہرہ ہے مالا کلام
رہنما ہے جانب دار السلام
یکوں نہ اس کو یاد کروں صبح و شام
قابلِ صدا ستائش اس کا کام

علاوہ تمام: پورا چاند، ماہِ کامل، عطا التیام، جسم بھڑنا، عطا خیر الانام، بہترین مخلوق
علاوہ مالا کلام: جس میں کوئی شک نہ ہو، عطا مدحت، ستائش، تعریف

علمِ ذر ہے میں ہوں اُس کا زخیر
محفلِ عشاق ہے بزمِ طرب
میں بھی اک ساتل ہوں مولا اک نظر
کچھ پہل قدمی کرو اور مگر او
یتبسم ہے کہ جادو تے حلال!
تیری الفت بھی کیسا کسیر ہے!
منزلِ مقصود آتی ہے قریب
صبحِ انور کا طلوع ہے اے نصیر

دہرا اُقا ہے میں اُس کا غلام
یاد اُس کی ہے شرابِ لالہ فام
اس طرف کر لے کریم خاص و عام
میرے بارغِ دل میں آکر خوش خرام!
پُچھو ہیں یا آگئے جنت کے جام
جس سے ہم کُنڈن ہوئے اور ناکام
ساتھیو! آگئے چلو بس پسند گام
جاگ اٹھنا اب ہو اوقتِ قیام

۲۴۔ صفر ۱۴۰۶ھ

۸۔ نومبر ۱۹۸۵ء

BURUSHASKI RESEARCH ACADEMY
living ancient language

۷ بزمِ طرب: خوشی کی مجلس، خوش خرام: اچھی تپاؤ والا، کُنڈن: خالص سونا

ذکرِ خدا اسقُرکُت

رُوین لے دِیین ایگنِ ذِکرِ خدا اسقُرکُت
 نورے بہشت ڈم بدن حمد و ثنا اسقُرکُت
 جیئے ببا باغِ لم اسقُرکُت ایگنِ دُسوین
 ضا دُخرس ییشمن جیئے ببا اسقُرکُت
 جانِ بہار مُو دیا مسے دیکرن ورثا بیتین
 شکرو منس! دِغشی عشقے دعا اسقُرکُت
 نور کے سا! چل منے علمے سمندر نمن
 مُو گیکل فر میان نور کے سا اسقُرکُت
 نورے مثالیگ کما؛ جلو کے باغن کے باہی
 گوس لو برین ییشما نورے لقا اسقُرکُت
 رومذے دُنیا ایون حکمتے تومے ڈم سقم
 نورے ہر لتک نمن دین لومضا اسقُرکُت

نورے شہنشاہِ لباسِ جسمِ لطیفُ لو ایل
علمے کمالِکِ بدنِ نورے بسا اسقرث
باغِ بہشتِ دیمیا ہر رکے اسقرث کے کا؟
موقِ منہ اسقرث چغہ کے ادا اسقرث
بٹنِ بدنِ اسقرث گیمائِ امک اسقرث؟
علم و ہنر اسقرث، صدق و صفا اسقرث
دینے دُرویش اسقرث، خدمتِ قوم اسقرث
نیکِ عدتِک اسقرث، شرم و حیا اسقرث
انے شلے چغہ اسقرث، انے صفیک اسقرث
یاد و خیال اسقرث، مہر و وفا اسقرث
نورے دمنے عشقِ کوچی دیمیس اسقرث
انے شلے باغِ رکون پُر موگنا اسقرث
عاشقے روحانیت انے شلے جنتِ بلا
بیشما گلچنِ فٹ اے باغِ خدا اسقرث
اسقرے تمثیلِ ایلِ جلوہ جانانے راز
ان شلے سے قبلہ بائی، قبلہ نما اسقرث

رنگِ خدا کا دُخروا اسے یکتا گلاب!
 عالمِ حُسن و جمال! اُنرِ فدا اُسُقِرث
 نورِے کرامت ایسل بایمو کے ای گل بہار!
 تازہ دُخرتِ حُسنِ بَدَنِ نورِ ہُدا اُسُقِرث
 علم و ہدایت نے میر اُسُقِرثِک دوڑی
 عقلِ بہشتِ ثَمِ بَدَنِ جیتے سُنّا اُسُقِرث
 اوّے چلنِ یلّا بایم اُسُقِرثِک دِ سِکمی
 یہ گو کے بَدَنِ غمّے اسرِغیبے دوا اُسُقِرث
 چور دِ مو بٹ چور دِ یمنِ روضہ باطن ایسل
 یُشما ایلے رث رثے عشقے فنا اُسُقِرث
 نظمِ نصیرِ ثَمِ دِ یَمِ اِنہ شلے اُسُقِرثِکے نس
 کھولے بَدَنِ اِثْر وین شل گو یو! جیتے غذا اُسُقِرث

اے: رنگِ خدا = رنگِ خدا (۲/۱۳۸)

شریاریے نے مست بان

یمن لورے دمن یٹڈم شریاریے نے مست بان
 یمن ایٹڈم شلے حکمتے جریاریے نے مست بان
 ان لورے خیالین نما شلے رکت لو بہ دیہم
 بس اہل محبت شلے اسرارے نے مست بان
 روئے شہر لوہن عطرے دکانن اکھیسٹن گا !
 عطرٹ ہڈا کلی بے لمی عطارے نے مست بان
 دربارر اتوسای کلی جاسرکسے سلطان
 درباری ایون سککسے دربارے نے مست بان
 انے حسن و جمال جنتلم لعلکے بازار
 عاشقتک او سل انے شلے بازارے نے مست بان
 روحانی ہوکے عالم ایون قبضہ نے دمن
 سردارے سینم برنکا سردارے نے مست بان

تِلْیَتَقَشُوْ گِیا پُنجوے بہ ہینان فکرے اُیمکُش
 اسلامے بزرگان شلے افکارے نے مست بان
 اِنے نورے ملاقات لوہن سگٹے دنیان
 مین اہل نظر بان کے اودیدارے نے مست بان
 میس مکلے اپم کلی عجبین نامی ایش بان !
 میس پُر مو جُو آئی دلبرے، دلدارے نے مست بان
 اِن دین لو، دُنیا تُو می حکمتے غمخوار
 دُنیا کے قیامت لُو می غمخوارے نے مست بان
 اِنے عشقے فدا بان لہ می اِنے سگٹ لوگدا بان
 شلے رازے دمن حیدر کرارے نے مست بان
 قُربان ایستُم دولت و دینارے بہ شریئش
 دانا سس اُبون می روے دینارے نے مست بان
 روحانی غرن، جنتے باجان اپی اوس
 شلے فو و لو دُرُم سس اِنے دوتارے نے مست بان
 بی مستی سبک اویشما دُنیا و لو سراسر
 اقرارے نے مست بان اہل انکارے نے مست بان

راحت کے اُیَم اِنے شلے دِجار کے اُیَم میر
 اِنے عشقے سفرے سختی کے دِجارے نئے مست بان
 میخانہ بہ مقصود می دیدارے اُنیش بان
 خُس خمرے می بے حضرت خمارے نئے مست بان
 رُوئے ذکرے حجاب لود کویل صُورِ سرافیل
 اِن نورے پُریل، شُلگیو مزارے نئے مست بان
 اِن صورتِ رحمانے ظہورِ حُسنے جہان
 عُشّاق اُیون عالمے داتارے نئے مست بان
 اِن آلِ نبی، نورِ علی، ساقی کوثر
 کوثر بلا کُلی سس شلے سرکارے نئے مست بان
 سس خمر ازلے مستے ہن جی نُمادوم
 دِا عالمے سس بادۂ قہارے نئے مست بان
 اِنے بچو صِفَتِک میسر گہس نورے بسیک میر
 اِنے شُلگیو شا موسمِ گلبارے نئے مست بان
 اِنے نورے ہر لت یارے می مَوّو رُو لودِ سرچن
 النوارے بہارِ یلذہ می گلزارے نئے مست بان

مولائے کریم نورے دمن عالیے سرتاج
 ان یٰنِشورِس انے شلے شرُپارے نے مست بان
 اسمانے اِحقنِ ثُم دُسو کمُ نورے کمنِ بائی
 یٰنِ انذہ دُفس بان کے او الوارے نے مست بان
 بیچارہ نصیرِ می شلے مُکے گوڑے گدا بائی
 عاشقِ تِک ایلون شلے مُکے اشعارے نے مست بان

B

R

A

BURUSHASKI RESEARCH ACADEMY
 living ancient language

تھتے یہ ژولے نورے سا!

تھتے یہ ژولے نورے سا! اُنے کچھ بُٹ اُیم
 جھٹنے یہ ژولے رُوے شنی! اُن لے شربُٹ اُیم
 رازِ کٹ اُیون گٹی بدن حکمتے قرآن لو
 اسرگی قرآنے چھپی! اُنے سرے برُبٹ اُیم
 نورے لباس لو دُکون جاشٹو کوئی یثدما
 تھم بیاین او منیس شکے دتا غربُٹ اُیم
 دیوے جو رے گنے منیس علمے غنیخ ذکرے کھی
 بُٹ غقیم نا جہاد، فتح و ظفر بُٹ اُیم
 ڈوم بلا کلی زندگی، ستخو اپی کلی بندگی
 عشقے بسک بُٹ اکھیس، علمے سفر بُٹ اُیم
 شلگو یو مرکار دُکون لعلک ایشل مک دومی
 جلوک اُیون بے مثال نورے کچھ بُٹ اُیم

نُورے بسیکے باغبان! اُس لو تو مرک ایگی نا
 اُنے صفیکے باغ اُلُم میوہ تر بُٹ اُیم
 زوین لے قیامت منی ذکرے دِ شر گٹی منین
 ذاکرے اثلُ لو بُرغوے غر بُٹ اُیم
 حکمتے آسمانُ لم شیم کے میم دیسکچا ی
 نورے غذا بُٹ عجب، عقلے شکر بُٹ اُیم
 یوسف دوران لے رُو مڈے کر دیندہ بین
 ایڈے اُیم نس ایسل رُو حی عطر بُٹ اُیم
 اِن لے عجب در بن کون و مکان غیچلا
 اچھی نلون ڈوٹ برین یارے ہنر بُٹ اُیم
 موشلے سان چل مٹی چشمہ نور ایلمڈ
 دینے سسپا پادشاہرے نظر بُٹ اُیم
 اڈی غسٹن بیچنا انے شلے مجنون میام
 عشقے بیابان لوبی کلی نکر بُٹ اُیم

ا: ایڈے = ایڈڈہ۔

علمِ حقیقی ایسل جلوہٗ جانانِ بلا
 فکرِثُ اُیون دُورِثُ فتِ اے علمِ فکرِ بٹ اُیَم
 عقلِ ساگورِ جلِ منی یلِ فتِ اے مَو ساڈہ دُوس
 علمِ اچھقرِث ایسل نورِے اثرِ بٹ اُیَم
 وقتِے علیے ساگرا ایشِ نمنِ دَرِ در
 جاشلِ اُیَمے معجزا عشقِے دَرِ بٹ اُیَم
 اُیَمِ دشنِ یثدِ بایلِ سسِ اُیونِ بَرِ بان
 ازِے بَرِ بَمِ جَوْنِ ابدِے بَرِ بٹ اُیَم
 سَکِ کُے قرآنِ لو رازِ کُے چھٹھِ بیسِ
 عالمِ شخصِیو لو جارِ گنجِ گھرِ بٹ اُیَم
 ظاہری دُنیا تِ لو خوشخبرِثُ بٹِ بدنِ
 "می شہِ دیدارِ ژو تھای" سینسِ خبرِ بٹ اُیَم
 عالمِ دیدارِ لو رِثِ رکِثِ نورِثُ بدنِ
 جلوِ کُے قانونِ لو فرِ نَمِ فرِ بٹ اُیَم
 لذتِ اُدورِ بیسِ ایتچا امرِے گنِ لو میرِے نی
 میسما ہنِ گنڈِے گو مَو گلھرِ بٹ اُیَم

مٹک نمہ ہور دیسے نصیر غیبے ہکشن دوئی گور
ذکر خداوندیر وقت سحر بٹائیم

۱: ثمر = میوہ، ۵: سٹو = آسان، ۷: میوہ تر =
تازہ پھل، ۹: شیچم کے میٹم = کھانا پینا، ۱۲: چشمہ نور =
نور کا چشمہ، ۱۸: گنج گہر = جواہر کا خزانہ، ۲۲: ٹک نمہ =
ذرا سوکر، وقت سحر = صبح کا وقت -

BURUSHASKI RESEARCH ACADEMY
living ancient language

اُنے مبارکے شُل

اُنے مبارکے شُل ہمیش اُن میس لومے کا بَم جُون
 دردے گنے درمان جُون دا گالکثر میلیم جُون
 اُن زمانا بے مثال انسان کا مل یا امام !
 رُوے طیب عیسیٰ جُون ، دا علم لُو آدم جُون
 ہُند و نور گے جانشین ! اُن بانبوتے نورے ہُت
 وارثِ آلِ نبی ! اُن مُصطفیٰ ہمد جُون
 نورِ یزدان رازِ قرآن علمے بل دا اُنے شہر
 دینے آسمان لُو درخشان نیّر اعظم جُون
 اُنے امامتے سرگیش ہن نورے دُنیا تن بدن
 رُوے ایش دُم اُن بہ سوکما نورے بجلیے لم جُون
 اُنے تلام کھینے مولا ! اُس پھنم نما لُو دُکٹ
 اُس لُو اُنے یاد او سمر ہن نورے دُنیاں یم جُون

بیٹے ممکن بلا زمانا نور یزدان او منس
 کو ڈٹکت تھپ لم مسافرے گن لولا لٹین تھم جوون
 علمے بلے پاکیزہ چل ڈم دینے شہر آباد نمون
 دایا یک بے سبب ایت بل ایلون مرچم جوون
 گو لجقس او من سقا بلا نورے رحمتے پکٹ ہمیش
 گو نمو غفلت ڈم غناس ممکن اُنر پکٹ تم جوون
 اوئے نصیب دُنیا ئے ظاہر، می نصیب بلا نورے شکل
 مین بہ او مایبان لے مولا! اُنے ایتم استم جوون
 زندگی گویا ستارے بُٹ اُیم نغان جوون
 راحتک بڈا زل جوون، دا غم کے فکرک بم جوون
 فس مناسن ام لو اُن پیدل گچر چھے دینے گن
 اُنسے محبت، سین کے پنچا اُن جہازر ہلچم جوون
 قومے خدمت دینے یاری کامیابیے رت گنن
 توبہ توبہ، بے کے گویا ہن دسن ڈوکت قم جوون
 جاشہنشا شلے علم نیشن اسن ہی ہیق منی!
 یا الہی رو سقم مے نا! سقم پرچم جوون

بُٹ کے کسے حکمت غمُّمِ بلا کھوئے ایسے قرآن لو
 کم سسک بان بُٹ جُون، دا بُٹ سسک بان کم جُون
 نورے شل گوئین با کے بس دا تھم اُیم دشنر بہ موئن
 رچلے ای ئیشما بہشت لو گوئو رُو، کم تھم جُون
 نورے معشوقر ایشم گستاخ نمن جا جیمو حال
 اُنے مجتے فوؤ لو میئی بی اُس ہمیش جم جم جُون
 علم گو یا بے حسا بن رزق و روزیے ہر جُون
 علم اپم حالت ایسل نگے قحطے دین لم ضم جُون
 ما دوامت اُنے کیوچ مولا دوا بلا پادشاہ
 کامیا بے ہول جُون دا قلعہ محکم جُون
 مای ہرک لم اختلاف ڈم دینے فصلر آفتک
 دشمنی مل لم متھیل، دشمنی ایسل نا تم جُون
 عالم ظاہر تو من بلا اُن اتے ڈم میوہ با
 تو م کے ہنی گوی با کے بس ناکل جہان گوی ہم جُون
 ابن آدم با کے گوی با، ابن عالم با کے گوی
 آدمی! آدم جُون منے، عالمی! عالم جُون

اُن کے مولائینسن با نورے تاید گور منس!
 می نصیر سڈطانے پشڈے علمے یرکس یم جوُن



BURUSHASKI RESEARCH ACADEMY
living ancient language

عقلے گلچن فُٹ نہ

عقلے گلچن فُٹ نہ مولا نورے دیکر نے رکٹ ایسل
 علمے توم یار رُنکولن عطرے اشپُرِیکٹ ایسل
 نورے مغرب ڈُم قیامتے علمے سان میر چل نمُن
 چل مناس ڈُم بُور مناس ڈُر کل جہان سم سٹ ایسل
 شلے ہر لتن میر دِ یار شی رُوے بہار بلا میغمانا
 گٹی منی ہر گس خرو نخن شوقے آسمان ٹکٹ ایسل
 اِنے شگلوتِیکٹ چور دِ یین دِیدارے دولت دِیچمان
 اُن لے مستی اُن لے غفلت سرے جُون اُنے دکٹ ایسل
 گوُس از لے آئینہ گوٹم اِنے تجلی ایسل سر
 ذکر مولا فت نہ گا! اُنے آئینہ ضا مُو زکٹ ایسل
 جیتے گہو مار عقلے شریار ذکرے برکت ڈُم بلا
 اُن خدا ایک تل نکلن رُو ڈُمٹ گوُس تکٹ ایسل

اُن عیلمے روحانی اولاد باکے آخر لپ اپا
 عقل اپم جندار بیسین کلمی او مو اُسکے ٹے نکٹ ایسل
 چنے امام ایسی باکے گو سے کا ہن شکن ایرین لہ شیر!
 جیتے گو سٹم دیتی برین مو دینے خد متے شکٹ ایسل
 ذکرے شمع اُنے نیسپلن ای دا ہملکم ایستجا
 رانے سخاوت رانے حفاظت اُنے رور رانے شکٹ ایسل
 سکو پیغمبرے خدا ژم نورے دولت اور سوم
 کفرے سے او پھر نیس کے نخت و دولت ٹھٹک ایسل
 دینے گو ڈلر ایر اقر سُم علمے چل گا ایتلم
 ہنپا دُنیا ضا غریب ٹھٹک ہنپا دس مٹرٹ ایسل
 جاشہنشاہ مینے کے ایٹشان کل جہان لوسیل ایچای
 جاسلیمان ایٹنا کے تس ہنغرے ترکٹ ایسل
 روے جہاد لو وقتے مولا فوجے سردار بائی ہمیش
 باطنیے برگامثالر سر کے دُنیا جٹک ایسل
 ہن کلک لولجن پچائی خاقان جون بٹ شانے کا
 ہنے یبوے بلغن اخو لچلا ہی البش زک زکٹ ایسل

مصطفیٰ کے مُرتضے اُغرُم طعا من نورِ یلم
 چوکِ میارِ دیکھی لیکن تازہ ہک ٹکٹ ٹکٹ ایسل
 علمِ شمع ڈم فکرے دسا دس عقلے جلے ہک یو ہیم
 تختِ ایلمی میوہ نیکن نورے قوم ڈم درکٹ ایسل
 انے مجتے فوے بہ ٹھس کھولے دنے بٹن بان غینے کم
 غینے ہم سس دوہمن دادن درم کلی ڈکٹ ایسل
 جا قلم جاجی کے اس دا ہستی ٹوک قربان ایتم
 اُنے اُیم عشق کو نہیر شامو تو ایلمن ٹکٹ ایسل
 اُن کرامتے پادشاہ با دا جسے ہن تلتق گدان
 بیلٹے میمی دوستی جا عقل ایسل جا ہکٹ ایسل
 گالِ اخو لجا بیس چبا مینے شرک نا دُنیا تر دژان؟
 جیتے جی بائی جیتے شرک جا ٹوک ایسل جا شرکٹ ایسل
 نورے تشریف دیم متھیتی گاجے غافل اینبا
 شلے فرشتا ای درم دین دیے نسین ٹھٹ ٹھٹ ایسل
 عالمِ ملکوتے ہک دونان عجب شانن بلا
 نورے مخلوقک او سل دا اوے یلم جلمٹ ایسل

اُن نصیرے گا ہمیشہ حُسن گلشن دیپُقر
عقلے گلچن فُٹ نہ مُو اُن صِبغة اللہ رث ائیل

۲۵، جمادی الاول ۱۴۰۷ھ

۲۴، جنوری ۱۹۸۷ء

B R A

BURUSHASKI RESEARCH ACADEMY
living ancient language

جائے ثواب

- ۱ جائے ثواب دامنِ خدائی بگو گنجاست ؟
آن کعبہ مبارک و آن خانہ خداست
- ۲ دانی مثالِ کعبہ اعظم کہ چہیست آن ؟
این خانہ شریف کہ در پیشِ رُوتے ماست
- ۳ آن چہیست خانہ ز خدا آنچه زندہ است ؟
مولائے حاضر است کہ او نورِ کبریاست
- ۴ ایزدولی و امر کہرا خواند در کلام ؟
آن را کہ او امام زمان است و رہنماست
- ۵ بتائے از حدیث کہ بابِ نبی کہہ بُود ؟
واللہ ! بابِ عالمِ نبی ذاتِ مرتضاست
- ۶ مولائے مومنان کہ بُود بعدِ مصطفیٰ ؟
آن نائبِ رسول کہ سرتاجِ ہل اتی است

- ۷ آن کشتی نجات کدام است در جهان ؟
 شخص امامت است که از آلِ مصطفاست
- ۸ نورِ خدا کجاست که تابانِ همی رُود ؟
 در هستی امام بحق شاهِ اولیاست
- ۹ آیا هموست جبلِ خدا یا کسی دیگر ؟
 انسانِ کامل است که در دهر پیشواست
- ۱۰ آئینہٗ خدائے نما کیست بر زمین ؟
 سلطانِ لافتا و شہنشاہِ انماست
- ۱۱ شاہِ زمانہ کیست و سردارِ دین کجاست ؟
 مولا کہیم عصر کہ سرچشمہٗ صُداست
- ۱۲ نوری کہ با کتابِ سما ویست آن کجاست
 در جنبہٗ مبارکِ مولا و مقتداست
- ۱۳ آن مظہرِ خدا و امامِ زمانہ کیست ؟
 آقائے ماکہ از ہمہ رُوپاک باصفاست
- ۱۴ خود خازن و خزانہ و مفتاح و در کہ است ؟
 آن نورِ حقِ امامِ مبین میرد و سراسر است
- سنگِ بنیادِ جماعت خانہٗ سونی کوٹ نہادہ شد :-

چہار شنبہ، ۱۷ جمادی الآخر ۱۴۰۳ھ /

۲۱ مارچ ۱۹۸۴ء، سالِ موش۔

آبِ شفا

(مُسَدِّس)

۱- منظرِ نورِ خدا در دکتے گئے می دوا نرے امنائے می سُنا	جیتے طیبِ بای شوا دوڑی آبِ شفا کھوت بہ سرن یا خدا!
۲- دم کے دوا دوڑی عقلے شفا دوڑی میمو ببا دوڑی	جیتے دوا دوڑی! نورے غذا دوڑی کھوت بہ سرن یا خدا!
۳- میس لو، بلم زکٹ پنچی غیرے، بلم زکٹ پنچی سکٹ ژوشی میسرٹک پنچی	دکٹ ڈے نبان دکٹ پنچی بی خبرن شکٹ پنچی کھوت بہ سرن یا خدا!

۴۔ آبِ شفا مَوِّ مِیَان بَر نِکَا، اِیْرُم مِیَان رَمَمٹے بُشَن مہربان صاف و صفا ایرغیان وقتے دمن بائی عیان کھوت بہ سرن یا خدا!	۵۔ آبِ حیاتن ایسل ابدے بخاتن ایسل شاہِ صفاتن ایسل عقلے نباتن ایسل نورِ کتے ذاتن ایسل کھوت بہ سرن یا خدا!
۶۔ آبِ بقا، آبِ نور شاہِ بلا مولا ظہور کھوت بہ سرن یا خدا!	۷۔ آبِ شفا بلا ظہور نورے نامی کوہِ طور میس لو ہمیش بائی حضور خضر زمانہ سلام انے میلے سانر سلام لعلکتے کانر سلام انے شلے شانر سلام انے چلے جانر سلام کھوت بہ سرن یا خدا!

۸۔ حکمت قرآن غتن راز کئے آیان غتن مدحت سلطان غتن	رحمت فرمان غتن عشق ترانان غتن کھوت بہ سرن یا خدا!
۹۔ نورے ممر جیتی منس! مشکلتر چھیتی منس! نفسے جکثر لیتی منس!	آب شفا تیتی منس! کینہ کے گٹ جیتی منس! کھوت بہ سرن یا خدا!
۱۰۔ علم امامت ہیں انے شلے حکمت ہیں گنج سلامت ہیں	راز قیامت ہیں نور ہدایت ہیں کھوت بہ سرن یا خدا!
۱۱۔ عالم شخصو لو بائی ذکر کئے گلگیو لو بائی جسم لو بائی جیو لو بائی	ان میسے بلدیو لو بائی ایش کے پردیو لو بائی کھوت بہ سرن یا خدا!

نورِ علی بائی امام وقتے سخی بائی امام کھوت بہ سرن یا خُدا!	آلِ نبی بائی امام ذکرِ جلی بائی امام علمے غنی بائی امام
عقلے خطاب میرِ نمُن روزِ حساب میرِ نمُن کھوت بہ سرن یا خُدا!	نورے کتاب میرِ نمُن علمے جواب میرِ نمُن عشقے شراب میرِ نمُن
کوثرے فریرِ دلیل! ساقے ذکرِ جمیل! کھوت بہ سرن یا خُدا!	آبِ شفا! نورے چیل! جنتِ لمُ سلسبیل! جانِ دوائے علیل!
حکمتے آبِ شفا اُنے قلمِ مرحبا کھوت بہ سرن یا خُدا!	منے ترو نصیرِ گدا! نورے دمنے عشقے کا سجدہ ایتس یثدا

نعتِ نبیؐ

- ۱۔ محمدؐ کے عشقے نس دیکھی
دُوا دیکھی نفس دیکھی
- ۲۔ اگر شریارے ری باکے
بُٹنِ گوس تھارے ری باکے
- ۳۔ محمدؐ کے شلِ اَیْمِ یثدُم
ہمیش انے دینِ سَلَقْمِ یثدُم
- ۴۔ حبیبِ کبریا ان بائی
دلیلِ اولیا ان بائی
- ۵۔ خدایے خاص شُکُو اِنِ بائی
بزمِ قرآنے اَلو اِنِ بائی
- ۶۔ انر شاہِ عرب سیبُان
یقیناً نورِ رُب سیبُان
- ۷۔ خدایے غیبِ رحمت بائی
شُکُو تکے عشقے جنتِ بائی
- دُرُودن سینِ سلامن سین
دُرُودن سینِ سلامن سین
- رُورِ گہو مارے ری باکے
دُرُودن سینِ سلامن سین
- خیالِ نَمہ اُس لو بَمِ یثدُم
دُرُودن سینِ سلامن سین
- امامِ انبیا ان بائی
دُرُودن سینِ سلامن سین
- سُکُو تِکِ ثَم سُمُو اِنِ بائی
دُرُودن سینِ سلامن سین
- کما لکِٹ بٹ عجب سیبُان
دُرُودن سینِ سلامن سین
- اتو غنس نورے دولتِ بائی
دُرُودن سینِ سلامن سین

- ۸۔ ایشے دل ایرنمن معراج
ایون بان رسس انرمحتاج
- ۹۔ محمد مصطفیٰ شل ہین
بصیرتے گلچنر دل ہین
- ۱۰۔ محمد دینے رہبر بائی
نبی تکتے ساجو افسر بائی
- ۱۱۔ پنجم ان شکلے انسان بم
اکھیس ہن عقلے دنیان بم
- ۱۲۔ ایم بلا انے رسالتے شان
عجب تل معجز کتے دنیان
- ۱۳۔ دکل کامل کتابن، ضا
غتن دلتس نے ژولے دانا!
- ۱۴۔ خدایے برکتن دیرائی
اکھیس عطر کتے تسن دیرائی
- ۱۵۔ محمد فخر عالم بم
نبی تکت الچی خاتم بم
- خد اوشن بنم سرتاج
درودن سین سلامن سین
- نبوتے نورے سا بل ہین
درودن سین سلامن سین
- خدایے نورے مظهر بائی
درودن سین سلامن سین
- مگر ان نورے ہن سان بم
درودن سین سلامن سین
- غنم بلا حکمتکتے قرآن
درودن سین سلامن سین
- جہان لو ام لو انے یثا؟
درودن سین سلامن سین
- عجب لعلکتے چھیسن دیرائی
درودن سین سلامن سین
- خدایے اسم اعظم بم
درودن سین سلامن سین

۱۴۔ نصیرے کلہ بٹن ارمان
مناسرا نسے گنے قربان
مگر کھن یس اپمے حیران
دُرودن سین سلامن سین



BURUSHASKI RESEARCH ACADEMY
living ancient language

آفتاب نور کا طلوع

دالین لے دِ مین چور دِ مو چور، می بسا دیسی
 تیسئی بیس گچھا چان دِ مین دِ مین نورے سا دیسی
 ان ہر خدا نورے دمن ظاہر و باطن
 می چھنم ڈٹٹ میسے گری سم سٹ نما دیسی
 ان زندہ کتاب حکمتے بل عقلشے دریا
 میسر کعبہ نمون حضرت یزدانے ہا دیسی
 ان آل نبی نور علی خازن قرآن
 می رومڈے گنے دینے سعادت نکا دیسی
 ان مظہر حق عرش خدا دینے شہنشا
 جار جلوہ اول غنم لو زلزلہ دیسی
 اسلامے علم دینے ڈکو عزتے گندو
 شرمیشے گلاب نورے چین روے بسا دیسی
 جا اولجیے دیدارے گنے ہیش کے فکر نیش
 جاشل بلیکس شسا ایسل مو شتا دیسی

مُو شکر و خدا یا! شلے سس بیرنے غریب بم
 اُنے رحمتے بُل برکتے کان شلے تھکا دیہی
 جالور علی ساقی کوثر غتنس کے
 کوثر نے نسن دیم جُون بٹ مزرا دیہی
 جا اے غمڑ دُ سوک "علی علی" سینس کے
 فردوسے شراب پک نمین جاشیشا دیہی
 غافل اُمَنم اُس لو بم اَشکا یو نَمیا خیر!
 دا یاد ایتمرنجلی جُون ان ستا دیہی
 میں عشق لو دُو پان کے فنا بان کے مبارک!
 شریش لو ہی ہیتق مَمَن ما ببا دیہی
 دیدارے دمن دیہی مگر عشقے سس ام بان؟
 اُنے شلے سس ایلونر ایو سا گور گلا دیہی
 بی موقع لو ہیر نیچا، بی بہرہ ہر لتن
 جار کھینے ہر لت دیہی عجب ناڑ گا دیہی
 جالو قد نو سل انے کٹھے افسرے ایاسر کم
 مُو ان یکلم تکمٹے کاروے شوقا دیہی

اُس علمے متھن شہر نے سوداؤ لو لو اُل رِم
 مَو دِ بِمِیَا خِیَر شِکرو مَنَس رُوے تِپا دِی
 قُرآن ہشکایت دوسے گنے مین کے ایم جار
 سرے چھیٹھڑے کا نور نییے معجزا دِی
 سان نورے ایش ڈم دُسو کی مومی ایش بان
 نوروس اپی کُلی نورے بہارن شوا دِی
 دِجارے سفر فس نہ غنی منزل مقصود
 بٹ خوش مہا نِ شِلکویو مَو اِنے بسا دِی
 فردوس برین نورِ بَینِ عالمے سردار
 ژو لے ایسل نصیر اُنے گوے معشوق یہ گا دِی

BURUSHASKI RESEARCH ACADEMY
 living ancient language

مُحَمَّدٌ شُلُّ مُحَمَّدٌ شُلُّ

(نعت)

غلیسن بایسن ملی نی ؟ مُحَمَّدٌ شُلُّ مُحَمَّدٌ شُلُّ
 ڈُٹکٹ اُسے ہار بیں گری نی ؟ مُحَمَّدٌ شُلُّ مُحَمَّدٌ شُلُّ
 خُدا شُلُّ بہ نہ عطا میئی ؟ بیں ڈُرم ان رضا میئی ؟
 اُمّت سکت رہنا میئی ؟ مُحَمَّدٌ شُلُّ مُحَمَّدٌ شُلُّ
 بہ وجہ ڈُرم میرا اَیْم قرآن ؟ مٹہن دلّس غنی فرقان ؟
 اُمّت حکمتے نہ دین آسان ؟ مُحَمَّدٌ شُلُّ مُحَمَّدٌ شُلُّ
 اُمّت دیکرن دِشم یِشا ؟ اُمّت توم ضا سقّم یِشا ؟
 اُمّس میوان اَیْم یِشا ؟ مُحَمَّدٌ شُلُّ مُحَمَّدٌ شُلُّ
 پکن دریان جُون یِشم پکن دُنیاں جُون یِشم
 پکن آسمان جُون یِشم مُحَمَّدٌ شُلُّ مُحَمَّدٌ شُلُّ
 عجب ہن پاک بُلن ایسلن بہشتم گُلگُلن ایسلن
 اَیش لم سَنبُلن ایسلن مُحَمَّدٌ شُلُّ مُحَمَّدٌ شُلُّ

گیم سبباً اُمتِ حکمت؟ اُمتِ ہمت اُمتِ طاقت؟
اُمتِ پرکس اُمتِ دولت؟ محمدے شل محمدے شل

اکھیس دُنیاں عجب شہرِ ایسل تل لعلے بازارِ
بہشتم عطرے شریارِ محمدے شل محمدے شل

خدا ڈم میر کمن سو کئی بہشتم تو مے لمن سو کئی
آیش ڈم چھس نمن سو کئی محمدے شل محمدے شل

اُمتِ شلے بُلنے آباد بان؟ اُمتِ دُنیا و لو آزاد بان؟

اُمتِ شریشے دلشار بان؟ محمدے شل محمدے شل

اُمک شاہی گٹوٹ بیلجا؟ اُمک سنبُلکٹے بٹو یا بیا؟

اُمک اسقر کٹے نس گوچا؟ محمدے شل محمدے شل

اُمتِ دریا غم کُٹے رای؟ اُمس مرا کا اُیم کُٹے رای؟

اُمتِ خنجرے پُرُم کُٹے رای؟ محمدے شل محمدے شل

بہ دلتس سٹ چراغن نا؟ عجب اسقر کٹے باغن نا؟

اُیم ہن عشقے داغن نا؟ محمدے شل محمدے شل

اُیونر سا جو سان ایسلن مجتے معجزان ایسلن

نبوتے نورے شان ایسلن محمدے شل محمدے شل

بیس جا جیتے چندک نی؟ بیس جمدیتنے گئے دک نی؟
بیس انے عشقے نوے ہک نی؟ محمدے شل محمدے شل

گنابے گو مو تقویٰ گین؟ درودن سین سلامن سین
خدا شلگوین مناسرہین محمدے شل محمدے شل

عجب مقبول دُعان یثدُم اکھیس دلتس دوان یثدُم
ایم ہن معجزان یثدُم محمدے شل محمدے شل

خیالکثے سکت جہانن گا! لطیف یا قوتے کانن گا!
ایم قدرتے نشانن گا! محمدے شل محمدے شل

محمدے نورے برکت دُم شوس بلا موزمانان ہتم
ایسل نامو دُخر چلا ام محمدے شل محمدے شل

یقین بلا غینے حل میمی ستر گٹ بریے بل میمی

میوندل لعلے تل میمی محمدے شل محمدے شل
نصیر! انے دردے گئے درمان ایم کئے جان ایم کئے کان
یٹم دیم علمے دسترخوان محمدے شل محمدے شل

ل: اُم = اُن

ذکر جمیل

دلش یاد یعنی دیدارے یاد

صاحب دیدارے مَوّٰ ذکرے جمیل منس
 ماروے شریارے مَوّٰ ذکر جمیل منس
 شل بلیکس می ببا عالم ایلو نرستسا
 حق یکلم رهنما ذکر جمیل منس
 سر کے فرشتان من دی ببا شاہ زمیں؟
 امت نظرے ایسمن؟ ذکر جمیل منس
 نور نبی یثمن آل علی یثمن
 علم غنی یثمن ذکر جمیل منس
 نورے ملاقاتکے عشقے مناجاتکے
 رحمتے آیاتکے ذکر جمیل منس
 انے شلے ارمانکے سکت کئے فرمانکے
 انے اکھیس احسانکے ذکر جمیل منس

نور کئی رہبر امن؟ علمے سمندر امن؟
 آلِ پیمبر امن؟ ذکرِ جمیل منس
 جیتے ببا شفقت! نورے لقا حکمت!
 عقلِ غذا لذت! ذکرِ جمیل منس
 شاہِ معظم آیا؟ زبده عالم آیا؟
 نورِ مجسم آیا؟ ذکرِ جمیل منس
 لعلکے کان دی آیا؟ جانِ جہان دی آیا؟
 جیسکے جان دی آیا؟ ذکرِ جمیل منس
 چغملے ان درفشان حکمتے گئے خوش بیان
 جان بایا بے جان جان؟ ذکرِ جمیل منس
 میس لو دسرچن میون رولو دخرچن میون
 تھوئس دیورچن میون ذکرِ جمیل منس
 اوئس لو بسیکت مین او غم عقلے بٹاسیکت رستم
 نورے ممول بٹ ائیوم ذکرِ جمیل منس
 ماہ تمام دی بٹا؟ وقتے امام دی بٹا؟
 شاہِ اناام دی بٹا؟ ذکرِ جمیل منس

رازِ بشر دی بکھا؟ گنجِ گہر دی بکھا؟
 جیتے طمّ دی بکھا؟ ذکرِ جمیل منس
 انے شلے دیدارِ اُیم انے مکے گفتارِ اُیم
 انے سرے کردارِ اُیم ذکرِ جمیل منس
 ذکرِ خدا کله بٹ اے چشمِ بصیرت فٹ اے
 تھم چغٹ بس کھٹ اے ذکرِ جمیل منس
 راہِ پیغمبرِ امت؟ علمے ہکترِ امت؟
 حکمتے گنے درِ امت ذکرِ جمیل منس
 بیشکی شوقمُ رحمتن! بیرتِ اُیم دولتن!
 بیشکی شتلو عزتن! ذکرِ جمیل منس
 جسمُ لو بای جانُ لو ییشما قرآنُ لو
 انے صفتِ اسمانُ لو ذکرِ جمیل منس
 انے گنے جی دیو نصیر! انے شلے شکٹ لم فقیر!
 تاکہ گماٹا اسیر ذکرِ جمیل منس

لہ: در = پکٹ

شُله حکمتِک ہزارن

جا پاد شالے یُثم شُله حکمتِک ہزارن
جارُوے ببالے یُثم رُوے عزتِک ہزارن

شُله اوّے بر چلک دین اُس لُم زمین دے سرچی
دیقانے مل بسیو لو چلے برکتِک ہزارن

جا جیمو رایٹے کھولے گا این انے شُله شُله دُفسُ با
قرآنے نورے آسی شُله آیتِک ہزارن

مولا علیے کرامت یُثم ن کے یُثمَن ما
فردو سے باغے میواروے لذتِک ہزارن

” ” ”

نورِ نبی علی بای ایمانے ملکہ سرکار
انے کا خدا یکل ڈم سرے رحمتِ ہزارن

” ” ”

ان زندہ ہن جہانن ہن عشقے لامکان
ان بُٹ اکھیس بہشتن انے جنتِ ہزارن

” ” ”

ان ہادی زمانہ قرآنے علمے برکس
ہن نور ہمیشہ قائم لیکن کتِ ہزارن

” ” ”

چپ لم خزانہ یثا؟ ساس ہشی گور مبارک !
گور نو بدن ازل ڈم روے دولتِ ہزارن

living ancient language

ظلمن منی کے دنیا ہیرنا حضورے ہکڈے
منظور منی کے میٹھی انے شفقتِ ہزارن

” ” ”

ذِکْرِ کِشِرے گورشا دُنیا ایلونے تل گول
گور میئی اِسمے سکت ڈُم رُوے راحتِک ہزارن

” ” ”
شُلگوین! ایسل حقیقت ہر گنڈ دُمائے پنچیدن
انے رحمتِک ہزارن می غفلتِک ہزارن

” ” ”
چھیئین اِی بہ گوٹم گوس لم ہشاکٹ بہ دوئم
قرآنے اِی بہ گوہی انے حکمتِک ہزارن

” ” ”
کلہ بٹ متھن گنن گا انے نورے تھاکٹے پٹ خا
غوا ہر گوہٹ ہزارن دا ایک ریتِک ہزارن

” ” ”
ہن حالے کا خدا بآی انسان ہمیش فرم فر
ہن گنڈے گوئی بہ میشا گوے حالتِک ہزارن

لیکن خدایے ہر مہک انسان یکل نے ژرخیدن
گو کا پڈن ایسل نا انے قدر تہک ہزارن

قرآن کے نورے وجہ ڈم اسلامے دین مکمل
قرآن غتھے یڈن گو کے جتہک ہزارن

گوس لم بیکھے نزاکت گوریل مناس اواجی
اسمان زمین یکل ڈم ہڈا آفتک ہزارن

جا ایٹنہ اس تق آچان نیچم لے جیتے مولا؟
دُمرس منس خدا ڈم ڈکو ہمتک ہزارن

یارب! نصیرے سیبائی تل عاجزیے دُعایک
ہر مومنر نصیب اے اُنے نصرتک ہزارن

بیسن جُون اکو غن

مظہر یزدان ژوس بیسن جُون اکو غن
معنی قرآن ژوس بیسن جُون اکو غن
جنتے دربار مناس رحمتے دیدار مناس
رُو مُتھے شریار مناس بیسن جُون اکو غن
عشقے مناجات مناس نورے ملاقات مناس
گلچنے برسات مناس بیسن جُون اکو غن
شہد و شکر دیمیا؟ علم و ہنر دیمیا؟
جان و جگر دیمیا؟ بیسن جُون اکو غن
گوس لو امام غنی کے عقلے کتاب غری کے
سرینکے گوس بسی کے بیسن جُون اکو غن
راز کے ہرکس ایسل لعل و گہرے چھس ایسل
رُو لو ژو یار قس ایسل بیسن جُون اکو غن

حضرتے معراج ایسل نورے بباراج ایسل
 ایسل علم تاج ایسل بیسن جُون اکو غن
 شاہِ زمن دیم لو امرے دمن دیم لو
 ہندوے تن دیم لو بیسن جُون اکو غن
 شاہِ شریعت کے ان پیرِ طریقت کے ان
 گنجِ حقیقت کے ان بیسن جُون اکو غن
 نور کے مولا ثروس جنتے طوبی ثروس
 عالمِ بالا ثروس بیسن جُون اکو غن
 دینے شہنشا کلام نور ہدایت مدام
 شکروائے نی لے صبح و شام بیسن جُون اکو غن
 اُن نوے کشتیو لو با عالمِ شخیصو لو با
 حکمتے گردیو لو با بیسن جُون اکو غن
 جسم بی ناسوت لوجی بلا ملکوت لو
 عقلے ساجبروت لو بیسن جُون اکو غن

گوُس لو گر یگ یُشما خلدے بسیٹ یُشما
 نورے گتیک یُشما بیسن جُون اکو غن
 فضل و کمال اِنے بلا حُسن و جمال اِنے بلا
 جاہ و جلال اِنے بلا بیسن جُون اکو غن
 حضرت مولا امام نورے سآعالیمقام
 معنی دار السلام بیسن جُون اکو غن
 کھین کے زما نا علی یُنما سین یا علی
 یُشما گو کا علی بیسن جُون اکو غن
 گوُس لو بہشتن نمُن یُشما سر کُٹے دمن
 نا شکر یے ارگمن بیسن جُون اکو غن
 بُرغورُون منی کے غیبے قُون منی کے
 گوٹ سُون منی کے بیسن جُون اکو غن
 جنت لُم نس ژو شچی مجلسے گنے ہس ژو شچی
 شعرو سُخنے اَس ژو شچی بیسن جُون اکو غن

ر مزرے برکث سین نصیر بہ یسکی ماہ منیر؟
جیتے بریس ڈم اسیر بیسن جُون اکوغن

بج

۵، جمادی الثانی ۱۴۰۸ھ

۲۵، جنوری ۱۹۸۸ء

B

R

A

BURUSHASKI RESEARCH ACADEMY

living ancient language

دوستِ مُصطفیٰ^ص

- ۱ انبیاء لرگه شهینشاه مصطفیٰ ننگ یاری کیم؟
اُول علی المرتضایم مُصطفیٰ ننگ یاری دُور
- ۲ مهرجهاد ننگ لشکر یگه نامدار سرداری کیم؟
ذوالفقار ننگ ایگاسی مولانا علی سرداری دُور
- ۳ قیسی نعمت دُور که توگو ماس لذتی هم راحتی
دلبر زیبا علی ننگ رنگ برنگ دیداری دُور
- ۴ سوز لاگوچی قرآن علی دور هر لباسی دا آشکار
هر زمان دا هر مکان دا صاحب اسراری دُور
- ۵ هم مکان دالامکان داعرشی دا هم فرشی دا
مرتضی دور مرتضیٰ ننگ بوا عجائب کاری دُور
- ۶ یار ننگ جلوه عجب دور هر زمان بنگ شکلی دا
عاشقان لر ننگ عجب بر دلبر عیاری دُور

۷. من گل و گلزار دُنيا غه فقط محتاج اما س
 هر زمان جان و دلیم داعشقی ننگ گلزاری دُور
 ۸. شاه ننگ دیدار اُوچون بس بیقرار دُور شول نصیر
 بیقرار لر ننگ قراری شاه ننگ دیداری دُور



BURUSHASKI RESEARCH ACADEMY
 living ancient language

غلامِ علی

- ۱ من علی گه بنده دُور من شاهِ سُلطانیم علی
طا عتیم حجیم نمازیم دین و ایمانیم علی
- ۲ کُنْتُ کُنْزاً مُخْفِیاً اَنکَلاب خزانِ ایستاسام
باشقه برکشی تا پمادیم اول گنج پنهانیم علی
- ۳ درد و غم دین جیغلاما من جیغلاسام دیدار اُدچون
را حتم نوریم شفایم جزو درمانیم علی
- ۴ کُوند اُیوز منگ مقصدیم تا پتیم علی بنگ فضلِ دین
جان پنا بهیم بهر بانیم مشکل آسانیم علی
- ۵ شُول زمان سلطان محمد شاه علی دُور اول علی
نوریزد انیم علی دُور مغز قرآنیم علی
- ۶ جدرِ صفدر علی دُور فاتحِ خیبر علی
شاهِ دُور انیم علی دُور شاهِ مردانیم علی

- ۷ لَا أَتَى إِلَّا عَلَى لَا سَيْفٍ إِلَّا ذُو الْفَقَارِ
 مصر بلا دین سا قلا غوجی سن اے نگہبانیم علی
- ۸ رمز جبلُ اللہ علی دُور عُرْوۃُ الْوُثْقَى علی
 مالکِ حورو و قصور و خلد و رضوانیم علی
- ۹ ایکلی عالم داسخی سلطان محمد شاہ علی
 حشر داقاضی علی دُور شاہِ شاہانیم علی

B

R

A

BURUSHASKI RESEARCH ACADEMY
 living ancient language

يا على ده یدو

- ۱ دل بتحقیق یا علی ده یدو
جان بحق مرتضای ده یدو
- ۲ بُو باشیم هم همیشه یرگه باریپ
جان فدا سرفدا علی ده یدو
- ۳ ایکی ظاهر کوروم علی فی کوروپ
انت شمس الضحیٰ علی ده یدو
- ۴ قولاً قیم شاه نیث کلام انگلاپ
پاک سەن دا ئمالی ده یدو
- ۵ ذکر مولای یتیم غە لذتلیک
ای تو مُسکِل کُشای ده یدو
- ۶ قوللاریم هر قچان دُعا قیلسام
دستگیر رهنا علی ده یدو

- ۷ تینا قیم ایملی "هَو" توبان اوستون
در زمین و سما علی ده یدو
- ۸ همه اعضا لاریم خفی و جلی
حق حقا حق حقا علی ده یدو
- ۹ آدم و نوح و هم خلیل و کلیم
عیسا و مصطفی علی ده یدو
- ۱۰ آسمان یر درخ گیاه حیوان
آدمی زاد یا علی ده یدو
- ۱۱ جن پیری لار فرشته لار هر دم
شاه جود و سخا علی ده یدو
- ۱۲ انبیا اولیا و نیکان لار
رهبر و پیشوا علی ده یدو
- ۱۳ قیسی مومن بلا غه بوساد و چار
المدد یا فتا علی ده یدو
- ۱۴ بلبل و قمری و گل و غنچه
مرجا مرجبا علی ده یدو
- ۱۵ صدق و اخلاص بیان نصیر الدین
جان فدا مه نقا علی ده یدو

حق مولا مولا دايلي

۱. ھەرگىم ھەر بىر خىيالىق تەھىق مولا مولا دايلي
ھەر مۇشكىل ھەر اغرىق تەھىق مولا مولا دايلي
۲. شاھ نىيەت اسىمى راحىت دۇر طاعت لار نىيەت طاعت دۇر
بىزىت لار نىيەت بىزىت دۇر حق مولا مولا دايلي
۳. شاھ نىيەت اسىمى نىجات بىرگۈچى عاشق لار غەقىتات بىرگۈچى
اولگان لار گە حىيات بىرگۈچى حق مولا مولا دايلي
۴. شاھ نىيەت اسىمى سۇلتان دۇر سۇلتان لار نىيەت سۇلتان دۇر
مومن لار نىيەت ايمان دۇر حق مولا مولا دايلي
۵. شاھ نىيەت اسىمى حۇرمىتلىك شاھ نىيەت عشقى لذتلىك
شاھ نىيەت ايشلار مى حۇكمىتلىك حق مولا مولا دايلي
۶. شاھ نىيەت اسم لارى بىر مېيىك بىزىت شاھ نىيەت شانى دەۋالطام
شاھ قىيۇم دۇر شاھ قادىر حق مولا مولا دايلي

- ۷ شاه نيلك و صلى نى استاييمز نور و جمالى نى استاييمز
 قرب و جمالى نى استاييمز حق مولا مولا دايلي
 ۸ مومن لار نيلك صادى كيم؟ تايم كيم دور؟ مهدي كيم؟
 محشر كوني داي قاضى كيم؟ حق مولا مولا دايلي
 ۹ عالم لار نيلك خالق كيم؟ مخلوق لار نيلك رازق كيم؟
 پادشاليق قه لائق كيم؟ حق مولا مولا دايلي
 ۱۰ دايم ياد قيل مولا نيلك طاعت قيل اول دانا نيلك
 قوللوق قيل سمن آقاي نيلك حق مولا مولا دايلي
 ۱۱ يا مولا ييم دستگير عاجز بنده لك دور نصير
 يا من صون نعم النصير حق مولا مولا دايلي

اوّلجی سان میڈم

اوّلجی سان میڈم عجب ان نوریزدان بھاء ؟ بیہیم
 ساڈو آیا جت پڈم جانوسے قرآن بھاء ؟ بیہیم
 آسمان ڈوم ہول نوین ہن پادشان دیم سبوتر
 ہن اکھیس شانن بلیم می شاہ مردان بھاء ؟ بیہیم
 عشقے دنیا رس اویں بس ان یکل اوس فرنے ہم
 قبلہ عشاق عالم جان جانان بھاء ؟ بیہیم
 عالم بالار پنجوم شلگو یو محبتے گلگتے دل
 ان ہدایتے سگ گری اوے اوسلو تابان بھاء ؟ بیہیم
 نورے مَرکا، حُب مولا ہمشوایلے مستانہ ہم
 نوے کوثرے چلے بگارو ماہ خوبان بھاء ؟ بیہیم
 انے عجائب جلوہ میگ نیڈ نیخودیے دریا دوبا
 مظہر نور الہی سریزدان بھاء ؟ بیہیم
 جیتے جان جالعلے کان جاکھے سمندر میڈماہ
 علمے برکس نوے مل جا گنج پنہان بھاء ؟ بیہیم

گون مناس ڈم یر پا میڈم اس چرق نما سر کسٹن
 حضرت شاہِ ولایت ا سلو مہمان ہما ؟ ہم
 ا سے لطیف آبادی میڈم تو م کے اسقر چکش
 روئے شیش کسے باغبان جا ا سلو دلقان ہما ؟ ہم
 انے ملاقات ا سے ملی ، دا انے جدائی ا سے میائی
 جار آیش ڈم دیم طبیب ای ، جیمو درمان ہما ؟ ہم
 رولو دنیا تن بلُم ، دا علمے اسمان بلُم
 دینے عزتے پادشاہ ای عقے اسمان ہما ؟ ہم
 علمے چل دولن شگلو تگے میریگٹ آباد منی
 می زمانہ مرتضا خود علمے دریان ہما ؟ ہم
 رولو قرآن بلُم ایت ای غراس جیندوں
 نورے فرقان نما ای جا شاہِ دوران ہما ؟ ہم
 عیبه گن ڈم شسوارن دین زمین ٹے گشت ایتای
 حیدرِ صفدر علی ان مرد میدان ہما ؟ ہم
 ان ٹروس ڈم عاشقا تگے دین دایمان گٹ منی
 یا الہی سر کسٹن ! ان نورِ ایمان ہما ؟ ہم

رُوے جہانگتہ عثم گُیگت ایکامکن دیم سُبُوَر
 بُٹ نَسٹائے پادشان! می دینے سُلطان ہما؟ نیم
 ان ڈوس پریر شُکلو تِگتے او سُلو جنت یُتد من
 عقدے کا ابلس بلم ان ذاتِ رضوان ہما؟ نیم
 اُسے رَحَل طے یُتد باہن نورے قسرا ن بلم
 جیتے جی! وا جیتے یار! اُن نورِ عرفان ہما؟ نیم
 بے شمارن رحمتگ نکا مار فرشتان دی ہما؟
 اہل مجلس یُتد من می شادِ ذی شان ہما؟ نیم
 بُٹ اکھیس حکمتگے نظن! دینے تھیکسے ڈون نصیر!
 اُم لوچین لوچپ من گور دینے لقمان ہما؟ نیم

۱۵/۱۲/۸۸

living ancient language

توصیفِ حضرت حکیم پیر ناصر خسرو ؒ

”کُتبِ میرِ برکٹ اوسای“

زمانا پیرِ کامل بم	کُتبِ میرِ برکٹ اوسای
ہدایتِ نورے شال بم	کُتبِ میرِ برکٹ اوسای
حینس کئے کائناتن بم	فرشتانِ نورے ذاتن بم
بہنِ علمکِ بڈم ایکا	رورِ آبِ حیاتن بم
امامے علمے کانن بم	بہنِ حکمتِ ہینم دانا
کُتبِ انے علیہ ازارک	یہ تینیاں گرمناں ہا سیا
خدائے فضل و رحمت دُم	حقیقتے آسمانن بم
	بہنِ سسے جانِ جانن بم
	اکے رش نورے شُراریارک
	میسرِ بڈہ عقلے گہواریارک
	رسولے نورے برکت دُم
	امامے امرے حکمت دُم
	کُتبِ میرِ برکٹ اوسای

کتب میر برکٹش ادسای	یقیناً علم اسما پیر	میر علی دریا پیر
کتب میر برکٹش ادسای	زمانا عقلے یکتا پیر	جوانن ہم مپیرن ہم
کتب میر برکٹش ادسای	ڈکٹن ہم بٹ دلیرن ہم	خداے گن لو شیرن ہم
کتب میر برکٹش ادسای	سکتن بلا نور عرفان ڈم	ملک ریے گنج قرآن ڈم
کتب میر برکٹش ادسای	بیان بلا ستر یزدان ڈم	امانے نوے سنگ ہم ان
کتب میر برکٹش ادسای	قرآنے علمے شک ہم ان	دایم دینے شک ہم ان
کتب میر برکٹش ادسای	غواو لو میر گریش دیو سای	تتنگ چہرے دل گینگ دیو سای
کتب میر برکٹش ادسای	بیان دیو سای	می خاف ہم لے شک میرای
کتب میر برکٹش ادسای	قیامتے برغو میر ایغرای	بہشتے میوہ میر ایشلا ی
کتب میر برکٹش ادسای	مہم سرمایہ حکمت	بٹن دجا رنشین مجت
کتب میر برکٹش ادسای	مگرانے گئی نے رٹے دولت	ہکن کعبا طواف لو ہم
کتب میر برکٹش ادسای	ہکن ان اعتکاف لو ہم	ہکن روے کوہ قاف لو ہم

وخت ڈم لعل چٹکے گوہر	تلم ڈم علم و حکمت زور	کتب میر برکٹش اوسای
اماتے نوے ہٹک بم ان	ایسبن ژوین کراتے کور	کتب میر برکٹش اوسای
نبای مکی بم جون بای پیر	یقیناً دینے کھٹک بم ان	کتب میر برکٹش اوسای
ژکوہک بان لے ان چھس بای	جہادے کچے اٹک بم ان	کتب میر برکٹش اوسای
عجب هن عقلے طون گا !	حکیمینکے مٹم جون بای پیر	کتب میر برکٹش اوسای
سلام ان علمے سردار	برچپ آدم جون بای پیر	کتب میر برکٹش اوسای
نصیری پیرے شاگر بای	حقیقتے سندھ سندھ بای	کتب میر برکٹش اوسای
	ممر پیر علمے برکٹش بای	کتب میر برکٹش اوسای
	عجب هن رونے ظہورن گا !	کتب میر برکٹش اوسای
	سلام ان گنج اسرار	کتب میر برکٹش اوسای
	سلام می پیر غمنوار	کتب میر برکٹش اوسای
	مقام انے ھٹکدہ حاضر بای	کتب میر برکٹش اوسای
	ھزارن ھیشی شاکر بای	کتب میر برکٹش اوسای

ہونزہ - ۱۶/۹/۹۱

شکر و منس یا خدا

بموقع تشریف آوردی ایا زمان

۱۔ شاہ سلامت دیا	شکر و منس یا خدا
۲۔ حضرت دیدار منی	عشق قیامت دیا
۳۔ نورے بہارن دیا	نور کئے شرایار منی
۴۔ اُس لوگلابن ایسل	رحمتے دربار منی
۵۔ نوے لیکھے باغبان	جنتے یارن دیا
۶۔ دلے سہ مو فر منی	غیبے سوارن دیا
	عشق شرابن ایسل
	عقلے کتابن ایسل
	شکر گو لور جان جان
	عقلے سہ ہم آسمان
	حکے فخر حق منی
	توئے بلے غر منی

۷۔ مُوگروخی آلِ نبیؐ	می گری نورِ علیؑ	شکر و منس یا خدا
۸۔ جا شگورے شل اُیم	کھین کے زمانا سخی	شکر و منس یا خدا
۹۔ علمے سمندر دیا	انے نئے گنگل اُیم	شکر و منس یا خدا
۱۰۔ شل گو یو بم بقرار	انے چھس لم بل اُیم	شکر و منس یا خدا
۱۱۔ میس روبسیگ دغشی	روے ہوئے افسردیا	شکر و منس یا خدا
۱۲۔ نورے ہٹکایک می بیا	ساقی کوثر دیا	شکر و منس یا خدا
۱۳۔ اُس نو غنم کوہ طور	چورم و لم انتظار	شکر و منس یا خدا
۱۴۔ مواسے تارن تروخی	مودیا می جیے یار	شکر و منس یا خدا
	جیے شینگ دغشی	
	عقلے گریک دغشی	
	میرنے پزن قواسقا	
	میلے تلا لحم سسقا	
	معنی آیات نور	
	عشقے پریلوے زبرد	
	غیبے ستارن تروخی	
	جیے دنارن تروخی	

۱۵۔ مَوْتُ اِپَلْتَن دِیا	عِزَتِ گِلْتَن دِیا	شکر و منس یا خدا
۱۶۔ اِنر پَرِندِا س منام	عِشْقِ صِرْلَتَن دِیا	شکر و منس یا خدا
۱۷۔ نورے طعام آسِرای	عِشْقِ نَفْسِ اِس منام	شکر و منس یا خدا
۱۸۔ عالمِ جانِ آ آلتِرای	اِنے چھس لُم باس منام	شکر و منس یا خدا
۱۹۔ امرے دمن بای امام	آبِ حیاتِ آمِنا ی	شکر و منس یا خدا
۲۰۔ اُس لوشہنشان بیا؟	علمے چین آ بِلای	شکر و منس یا خدا
۲۱۔ شُگِوِوِ مویات ایچن	گنجِ قران آلتِرای	شکر و منس یا خدا
۲۲۔ دِیسیا ماہِ منیر؟	رِستِر نہان آلتِرای	شکر و منس یا خدا
	نوسے کن بای امام	شکر و منس یا خدا
	چندوے تن بای امام	شکر و منس یا خدا
	جان بیا؟ جانان بیا؟	شکر و منس یا خدا
	جاشہِ خوبان بیا؟	شکر و منس یا خدا
	نُھیرِ مناجات ایچن	شکر و منس یا خدا
	میس لوطا قات ایچن	شکر و منس یا خدا
	پیر شہِ دستگیر؟	شکر و منس یا خدا
	نیمسِ فدا بای نصیر	شکر و منس یا خدا

بدھ ۲۲ ربیع الثانی ۱۴۱۲ھ ۳۰ اکتوبر ۱۹۹۱ء - کراچی



BURUSHASKI RESEARCH ACADEMY
living ancient language

